

# ভুমিও হবে সৃথিবীর একজন সফল পুরুষ

সংকলন ও সম্পাদনা  
আবু যারীফ

প্রকাশনাঃ  
পথিক প্রকাশন  
[পথ পিপাসুদের পাথরে]

**তুমিও হবে পৃথিবীর একজন সফল পুরুষ**

সংকলন ও সম্পাদনা : আবু যারীফ

**প্রকাশক :** মো. ইসমাইল হোসেন

**গ্রন্থস্বত্ব :** প্রকাশক কর্তৃক সংরক্ষিত

**প্রকাশনায়**

পথিক প্রকাশন

১১ ইসলামি টাওয়ার, ৩য় তলা, দোকান নং- ৩৯, বাংলাবাজার, ঢাকা-১১০০১

মোবাইল: ০১৯৭৩-১৭৫৭১৭

[www.facebook.com/pothikprokashon](http://www.facebook.com/pothikprokashon)

Email: [pothikshop@gmail.com](mailto:pothikshop@gmail.com)

**প্রথম প্রকাশ :** জুলাই ২০২১ ইং

**প্রচ্ছদ :** আবুল ফাতেহ মুন্স

**অনলাইন পরিবেশক**

[rokomari.com](http://rokomari.com)

[wafilife.com](http://wafilife.com)

[pothikshop.com](http://pothikshop.com)

[islamicboighor.com](http://islamicboighor.com)

[islamiboi.net](http://islamiboi.net)

[ruhamashop.com](http://ruhamashop.com)

[raiyaanshop.com](http://raiyaanshop.com)

**মূল্য : ৩০০/-**

## অর্পণ

রব্বের কারীমের আরশের ছায়ায় একটু জায়গা করে নিতে  
তাওবাহ করে ফিরে আসছে যে সকল অরণ-যুবো,  
তাদের করবমালে।



## সংকলকের কথা

দয়াময় পরম দয়ালু আল্লাহর নামে শুরু।

সমস্ত প্রশংসা একমাত্র তাঁরই। কারণ তিনিই সৃষ্টিকুলের একমাত্র সত্য রব্ব। অগণিত সালাত ও সালাম বর্ষিত হোক আমাদের প্রাণপ্রিয় সত্যবাদী ও বিস্ময়কর সর্বশেষ নবি ও রাসুল মুহাম্মাদ সাল্লাল্লাহু আলাইহি ওয়াসাল্লামের উপর এবং তাঁর পরিবার-পরিজন ও সম্মানিত আসহাবগণের উপর। অতঃপর যা বলতে চাই-

তরুণ-যুবাদেরকে যুগের শ্রোতে যৌবনের উজ্জ্বলে ভেসে যাওয়ার উদ্দেশ্যে অনেকেই দিয়ে যাচ্ছে। কেউ “কাছে আসার গল্প” লিখে, কেউবা “কাছে আসার অসমাপ্ত গল্প”, আবার কেউবা “কনসোলেশনাল মিজিক্যাল রিলেইশান এর মোটিভেশনাল স্টোরি” লিখে। গল্পের ছলে দু’টি গায়ের মাহরাম হচ্ছে- মেয়ের ঘিনার কাহিনী হট কেবের মতো গলধঃকরণ করানো হচ্ছে কচি কচি কোমলমতি পাঠকদেরকে। চরিত্র গঠনের বদলে চরিত্র বিনাশের দিকে ঠেলে দেয়া হচ্ছে ভবিষ্যৎ প্রজন্মকে।

এসব চলমান সমস্যার পাশাপাশি আরো কিছু জরুরী টপিকের উপর এই সংকলনটি প্রস্তুত করা হয়েছে।

এটি কোন ধর্মীয় বই বা ফাতওয়ার কিতাব নয়, তবে অবশ্যই এটি মুসলিম তরুণ-যুবাদের জন্য পাঠোপযোগী একটি কল্যাণকর নাসিহাত বই।

মহান রব্বের কারিম সংকলনটিকে সংশ্লিষ্ট সকলের নাজাতের ওসিলা হিসেবে কবুল করুন। আমিন।

রব্বের ফরমান মুখাপেক্ষি

বান্দা আবু যারীফ

২৫ জানুয়ারী, ২০২১ ইসলামী।

## প্রকাশকের কথা

আলহামদুলিল্লাহ! ওয়াস সালাতু ওয়াস সালামু আলা রাসুলিল্লাহ (সা. )।

দীর্ঘ প্রতীক্ষার পর করোনাকালীন দুর্ভোগের মাঝেও ডাই আবু যারীফ-এর দ্বিতীয় নাসিহাহ সংকলনটি আমরা পাঠকের হাতে তুলে দিতে পেরে মহান আল্লাহ সুবহানুহু তায়ালায় দরবারে শুকরিয়া আদায় করছি। ইতিপূর্বে আমরা বোনদের নিয়ে যুগোপযোগী একটি নাসিহাহ সংকলন প্রকাশ করেছিলাম 'আপনিও হবেন পৃথিবীর সবচেয়ে সুখী নারী' নামে। যা পাঠকমহলে বেশ সমাদৃত হয়। সেই ধারাবাহিকতায় এবার তরুন ও যুবক ডাইদের নিয়ে একটি নাসিহাহ সংকলন তৈরী করে দিতে অনুরোধ করেছিলাম ডাই আবু যারীফকে। অবশেষে তিনি আমাদের উপহার দিলেন 'তুমিও হবে পৃথিবীর একজন সফল পুরুষ' নামক নাসিহাহ সংকলনটি।

সংকলনটিতে তাঁর বিষয়-বৈচিত্র আমাদেরকে যারপরনাই মুগ্ধ করেছে। বিশেষ করে তরুণ ও যুবক শ্রেণীর উপযোগী বিষয়বস্তু নির্বাচনে তাঁর মুক্তিমান সত্যিই প্রশংসায়োপ্য। ফলে আমরা আশাবাদী—নাসিহাহ সংকলনটি পাঠকের হৃদি-বৈচিত্রের চাহিদা পূরণের পাশাপাশি তাদের জীবন গঠনে সহায়ক ভূমিকা রাখবে ইনশাআল্লাহ।

আমরা শুদ্ধ ও সুন্দরভাবে গ্রন্থটি উপস্থাপন করতে সাধ্য অনুযায়ী চেষ্টা করছি। সফল হয়েছে কি না তা পাঠকরাই ভালো বলতে পারবেন।

পরিশেষে সম্মানিত পাঠকদের প্রতি অনুরোধ, গ্রন্থটির সকল প্রকার ত্রুটি-বিচ্ছৃতি পরিহারের সকল প্রকার আন্তরিক প্রচেষ্টা থাকা সত্ত্বেও কোন প্রকার ভুল চোখে পড়লে এবং আমাদেরকে তা অবহিত করলে পরবর্তী সংস্করণে তা সংশোধনের সুযোগ থাকবে। আল্লাহ বাকবুল আমান আমাদের নেক প্রচেষ্টা কবুল করুন এবং সংকলনটির সাথে সংশ্লিষ্ট সকলকে ইহকালে ও পরকালে উত্তম জাযা দান করুন। আমিন!

মো. ইসমাইল হোসেন  
পথিক প্রকাশন  
বাংলাবাজার, ঢাকা।

# সূচিপত্র

কেন তোমাকে লিখছি.....	১১
তোমার সুরক্ষা তোমার হাতেই! .....	১১
তোমার সমস্যার চেয়েও জটিল হচ্ছে এর সঠিক সমাধান! .....	১২
সমাজ তোমার দেহমন্ডির সময় উল্টে দিচ্ছে.....	১২
প্রত্যেক সুশীলদের থেকে সাবধান!.....	১৩
নিজের অমূল্য যৌবনকে ধ্বংসের মুখে ঠেলে দিও না.....	১৪
তোমার সমস্যার কল্যাণকর সমাধান অবশ্যই রয়েছে.....	১৬
তোমাকে আত্মনিয়ন্ত্রণ করতে হবে.....	১৬
“যৌবন” মহান আল্লাহর দেয়া এক বড় নিয়ামত.....	১৭
দৃষ্টির গুনাহের ব্যাপারে সতর্ক হও.....	১৭
দৃষ্টির লাঞ্ছনা খুবই বরফণ ও ভয়াবহ! .....	১৮
কিয়ামতের দিন যদি অন্ধ হয়ে উঠতে হয়!.....	১৮
পর্ন দেখাটা কতটুকু স্বাভাবিক? .....	১৯
যদি এমন হয়.....	২০
পর্নগ্রাফি- Pornography নিয়ে কিছু গবেষণার ফলাফল .....	২১
পর্নগ্রাফি ও ডোপামিন (Dopamine) .....	২২
পর্নগ্রাফি (Pornography) আসক্তির ভয়াবহ ফলাফল.....	২৩
পর্নগ্রাফির আসক্তি থেকে বেভাবে মুক্তি পেতে পারো.....	২৫
পর্নাসক্ত ব্যক্তি কিভাবে সেজ লাইফ পুনরুদ্ধার করবে?.....	৩৩
দৃষ্টির হিফাযতে রয়েছে অন্তরের পবিত্রতা.....	৩৭
লোকচক্রুর অন্তরাল মানেই সব প্রমাণ মুছে যায়নি! .....	৩৭
কামনার দৃষ্টির ক্ষুধা সহজে মিটবার নয়!.....	৩৯
জগৎসূত্রে মুসলিমদের ঈমান আনা এবং ইসলাম বন্দুল করার আবশ্যিকতা.....	৪০

তুমি কিভাবে ঈমানদার মুসলিম হিসেবে স্বীকৃত হবে? .....	৪৭
ঈমানের প্রকৃত স্বাদ কীভাবে লাভ করা যাবে? .....	৪৯
কোন অবস্থাতেই সালাত পরিত্যাগ করো না .....	৫২
হিদায়াতের পরিবর্তে গোমরাহী ক্রয় করো না .....	৫৫
গুনাহ করার আগেই সাবধান হয়ে যাও .....	৫৬
সার্বক্ষণিক তাওবাহ জারি রাখো .....	৫৭
আজ্ঞাহ চাইলেন তারুওয়া, আমরা দিলাম রিয়া! .....	৫৮
ভালো কাজে প্রতিযোগীতা কর, তবে রিয়াকার হয়ো না .....	৫৮
দুনিয়াকে চিনে নাও .....	৬০
দুনিয়ার চোরাবালিতে একদিন হারিয়ে যেতে হবে .....	৬১
দুনিয়ার চাকচিক্য তো স্রেফ মরীচিকা .....	৬৩
কাফিরদের ন্যায় দুনিয়াকে লক্ষ্য বানিয়ো না! .....	৬৪
প্রয়োজন আর চাহিদার পার্থক্য করতে শিখো .....	৬৬
সম্পদের মোহ যেন তোমাকে অঙ্গ না করে দেয়! .....	৬৭
উসমান ইবনু আফফান রাজিয়াল্লাহু আনহু .....	৬৮
খাবার বিন আরাতে রাজিয়াল্লাহু আনহু .....	৬৯
আবুর রহমান ইবনে আওফ রাজিয়াল্লাহু আনহু .....	৭০
'মডারেট ইসলাম' ফিতনা .....	৭৪
মুসলিম হও, তবে মডারেট ইসলামের অনুসারী হয়ো না .....	৭৫
ঘৃণা ও ভালবাসার মাপকাঠি তোমাকে জানতে হবে .....	৭৭
সুধারণা পোষণ করা মুমিনের অন্যতম বৈশিষ্ট্য .....	৭৯
পশ্চিমের মানসিক দাসত্বের শৃংখল ভেঙ্গে বেরিয়ে এসো .....	৮১
আমরা সবাই কম বেশী Brainwash এর শিকার! .....	৮৩
বন্ধু নির্বাচনে সতর্ক হও .....	৮৪
Just Friend, Good Friend, Best Friend ফিতনা সম্পর্কে সতর্ক হও .....	৮৮
তারুণ্যের অদম্য উচ্ছ্বাসে ভেসে যেও না .....	৯০
কাফিরদের লেঙ্গ দিয়ে ইসলামকে দেখো না .....	৯২



যে যুবক পাবে আরশের ছায়া!.....	৯৩
হিলা বাহানায় হারামকে হালাল মনে করো না .....	৯৪
'ঈনা' পদ্ধতিতে বেচাকেনার উদাহরণ .....	৯৫
সবকিছু মহান আল্লাহর কাছেই চাইতে হবে.....	৯৮
রিযিক নিয়ে হতাশা ও দুশ্চিন্তায় ভুগছো?.....	১০০
দুআ কবুল হচ্ছে না? হতাশ হরো না.....	১০২
অধিক দুশিয়া চেয়ো না.....	১০৭
তুমি মানুষকে দীন-ইসলামের দিকে আহ্বান করো .....	১০৯
শেষ যামানার ফিতনা 'রিদাত' সম্পর্কে সতর্ক হও.....	১১০
বিয়ে : অর্ধেক দীন .....	১১৩
বেশ দীন বুঝলেওয়াল মেয়ে বিয়ে করা উচিত? .....	১১৪
বিয়ের জন্য কলে নির্বাচনে সচেতন হও .....	১১৬
বিয়ের পাত্রী দেখতে যাবে? তবে তোমার জন্য কিছু নাসিহাহ .....	১১৮
বরকতময় বিয়ের জন্য অগ্রসর হও .....	১২০
সুখি সম্পত্য জীবনের জন্য নাসিহাহ.....	১২২
ত্বীকে উপযুক্ত পরিবেশ দাও .....	১২৫
বাইরের লোকজনের জন্য নয় জীবনসঙ্গীনের জন্য নিজেকে সাজাও.....	১২৬
জীবনসঙ্গীনের জন্য সুন্দর একটা নাম নির্বাচন কর .....	১২৬
ত্বীর গুণের মূল্যায়ন কর .....	১২৬
ত্বীর ছোটখাটো ভুলগুলো এড়িয়ে যাও.....	১২৬
ত্বীর দিকে তাকিয়ে মুচকি হাসো .....	১২৭
ত্বীর কৃতজ্ঞতা আদায় কর.....	১২৭
জীবনসঙ্গীনীকে খুশি করতে চেষ্টা কর.....	১২৭
তার সুযোগ-সুবিধার প্রতি লক্ষ্য রাখ .....	১২৭
গৃহস্থালী কাজে ত্বীকে সহযোগিতা কর .....	১২৮
ত্বীর সঙ্গে উত্তম ও ভদ্রোচিত আচরণ কর.....	১২৮
একান্ত ব্যক্তিগত সম্পর্কের সময় ত্বীর ইচ্ছাকেও প্রাধান্য দাও .....	১২৮
ত্বীর জন্য সামর্থ্যনুযায়ী ভরণপোষণের ব্যবস্থা কর .....	১২৮

মাঝে মাঝে ক্রীর হাতের আঙ্গুলে তাসবিহ গণনা কর.....	১২৯
আনা উহিবুকি ফিল্লাহ.....	১২৯
গুনাহ করে ফেললেছো? হতাশ হয়ো না!.....	১২৯
গোপনে করা গুনাহের প্রকাশকারী হয়ো না.....	১৩২
প্রিয়তম রাসুলের দশটি উপদেশের পাবন্দ হয়ে যাও.....	১৩৫
শেষ কবে তুমি প্রিয়তম রাসুলের জন্য বেঁদেছিলে?.....	১৩৬
উপমা থেকে শিক্ষা গ্রহণ কর!.....	১৩৯
মৃত্যুর পর যেন তোমাকে আফসোস করতে না হয়.....	১৪০
অকৃতজ্ঞ হয়ো না, সবারকারী ও শোকরকারী হও!.....	১৪১
Story of Barsisa : শয়তানের নুরানি ধোঁকা.....	১৪৮
শিব্‌মুজ্জ মৃত্যুই জাহান্নামের নিশ্চিত গ্যারান্টি.....	১৫৩
রব্বের দিকে ফিরে আসো.....	১৫৬

## কেন তোমাকে লিখছি

দুনিয়ার হায়াত থেকে চল্লিশেরও অধিক বসন্ত আর ফাগুনের আগুন বরানো দিন পার করে যৌবনের তৃতীয় ধাপে উপনীত হয়েছি। পেরিয়ে আনা হায়াতের দিনগুলোতে ভ্রমণ করেছি অনেক শহর, গ্রাম, লোকালয়। বহু চেনা-অচেনা মানুষের সাহচর্য লাভ করেছি। ফলে বহু শ্রেণী পেশার মানুষের জীবন ও একান্ত জগত সম্পর্কে রাস্তাব ও বিচিত্র অভিজ্ঞতা অর্জন করার সৌভাগ্য আমার হয়েছে।

সেই অভিজ্ঞতার আলোকেই তোমাকে উদ্দেশ্য করে কিছু কথা লেখা প্রয়োজন মনে করছি। একটু সময় নিয়ে পড়ে দেখ! কারণ তোমার এখনকার বয়সটা যে আমিও পার করে এনেছি!

## তোমার সুরক্ষা তোমার হাতেই!

প্রিয় ভাই আমার! জেনে রাখো, মহান রব্ব তোমার হিফাজত (সুরক্ষা) তোমার হাতেই রেখেছেন। এ কথা সঠিক যে, পুরুষের পাপের পথে অগ্রসর হওয়াতে নারী একটা অন্যতম উপাদান। কোন নারীর শরীরী কিংবা অশরীরী উপস্থিতি ব্যতীত কখনই কোন পুরুষ একা একা পাপের পথে অগ্রসর হতে পারে না। নারীরা নরম না হলে পুরুষেরা শক্ত হয় না। নারীরা দরজা খুলে দেয় আর পুরুষেরা তাতে প্রবেশ করে।

তুমি কি ভাবছ, তুমি একাই শিরা-উপশিরায় যৌবনের উত্তাপ অনুভব করছো? দুনিয়াতে তুমিই শুধু এই সমস্যায় পড়ছ? আর কেউ পড়েনি? জেনে রাখো, এটা হচ্ছে যৌবনের স্বাভাবিক চাহিদা। তোমার মতো লদ্য কৈশোর পেরিয়ে অরুণ্যের জগতে যে-ই প্রবেশ করে, তার-ই অস্তরে ঘুমিয়ে থাকা যৌবনের শাস্ত তুষের আগুনটা ধিকিধিকি ঝলে ওঠে। শিরা-উপশিরায় সে আগুনের উত্তাপ ছড়িয়ে পড়ে। চলমান দুনিয়ার মাঝে আরেকটি দুনিয়াকে কল্পনা করে সে। বাস্তবতার পরিবর্তে দুনিয়ার তাবৎ চাকচিক্য দৃশ্যমান হয় তার চোখে। বদলে যায় আশেপাশের মানুষগুলোর চেহারাও। নারীকে সে শুধু মা কিংবা বোনের মতো নেহায়েত রক্তমাংসের মানুষ হিসেবে দেখতে পায় না। নারীকে সে কল্পনার তুলিতে ভোগের প্রতিমা হিসেবে আঁকতে থাকে আর নারী দেহের প্রতি সে এক দুর্নিবার ফ্যান্টাসিতে ডুগতে থাকে।

## তোমার সমস্যার চেয়েও জটিল হচ্ছে এর সঠিক সমাধান!

তোমার এই বয়সে এমন আচরণের সবই স্বাভাবিক ও যৌক্তিক। তবে প্রচলিত জাহিলি সমাজব্যবস্থা তোমার এই সময়ের স্বাভাবিক ও যৌক্তিক আচরণকে পিছে মারতে চায়। মেল সতের বয়সে ভালোবাসার যে উদ্ভাপ তুমি অনুভব করো, প্রচলিত সমাজ ও শিক্ষাব্যবস্থা সেই উদ্ভাপকে পঁচিশ-ত্রিশ বছর বয়স পর্যন্ত শিক্ষাপ্রতিষ্ঠানেই কাটাতে বাধ্য করে। এই আট দশ বছরের দহন ছাড়া মেটাতে তোমার মতো তরুণ যুবারা কী করবে? একদিকে যৌবনের স্বাভাবিক প্রাকৃতিক দহন, অন্যদিকে হারাম সম্পর্কের সহজলভ্যতা, কোথায় যাবে সে? সদ্য যৌবন প্রাপ্ত দেহের উষ্ণতা আর আবেগ-উত্তেজনার বিচারে এই সময়টাই যে তোমার জীবনের কঠিনতম সময়! কী করবে তুমি? কি করা উচিত? কে দিবে তোমাকে এর যথাযথ সমাধান? তোমার সমস্যার চেয়েও জটিল হচ্ছে এর সঠিক সমাধান!

### সমাজ তোমার দেহঘড়ির সময় উল্টে দিচ্ছে

মহান সৃষ্টিকর্তা আল্লাহর ফায়সালা আর মানুষের ক্ষিতরাত (প্রকৃতি) তোমাকে বলছে, তুমি বিয়ে করো। কিন্তু জাহিলি সমাজের পরিবেশ ও শিক্ষাব্যবস্থা তোমাকে বলছে, তুমি প্রেম করো, অশ্লীল ওয়েব সিরিয়াল আর মুভি দেখে পর্ণাসক্ত হও, মাস্টারবেশন করো সমস্যা নেই-কিন্তু এই বয়সে বিয়ে করো না! অথচ বিয়েটাই ছিলো তোমার চলমান সমস্যার জন্য একমাত্র কল্যাণকর সমাধান। ফলে সমাজ ও পরিবারের চাপে হয়তো তুমি নিজের স্বভাবজাত কল্পনা ও যৌবনের স্বপ্নে বিভোর থাকো। আর অবসরটা এই ভাবনায়েই আত্মনিয়োগ করো। চটি গল্প পড়ে, পর্ণ মুভি আর ন্যূড ছবি দেখে মনের কুপ্রবৃত্তির চাহিদা পূরণ করো। ফলে এক সময় দেখা যায়, ওগুলো তোমার অন্তরাত্মাকে গ্রাস করে নিচ্ছে। ওগুলো দেখে তোমার দৃষ্টি ও চোখ তৃপ্ত হচ্ছে। এরপর তুমি যে নারীর দিকেই তাকাও, সেদিকে শুধু সুতর্নী নারীদের বিভ্রান্তিকর ছবিই দেখতে পাও। অংকের খাতা, বিজ্ঞান বইয়ের পাতা, এমনকি পূর্ণিমার চাঁদে তাদের চেহারা ভাসতে দেখো তুমি। সন্ধ্যা আদায়ের সময়ও তোমার মানসপটে তারা ভেসে উঠে।



## প্রতারক সুশীলদের থেকে সাবধান!

প্রিয় ভাই আমার! শিল্প-সংস্কৃতির নামে তোমার মতো অগুণতি তরুণ যুবককে নগ্ন ছবি, অশ্লীল নাটক, গুয়েব দিরিজ, সিনেমা আর পর্নগ্রাফির মাধ্যমে প্ররোচনা দানকারীরাই তোমাদের চরিত্র ধ্বংসের আপদের মূল। এসব ইবলিসের প্রতিনিধিরা জাতির উন্নতি, অগ্রগতি আর চেতনা বিকাশের শ্লোগান দিয়ে নারীর নগ্নতা, বেহায়াপনা ও পরপুরুষের সাথে অবাধ মেলানেশাকে মোহনীয় করে তুলছে। তাদের দৃষ্টিতে এগুলো নাকি নারীর অধিকার! নারীর প্রতি তাদের এই দরদ মূলতঃ ছাগলের প্রতি কসাইয়ের দরদের মত। কসাই ছাগল পালে, তার যত্ন নেয়, তাকে মোটাতাজা করে। কিন্তু ছাগলের কল্যাণের জন্য সে এসব করে না, বরং নাদুনশুদুল হওয়া মাত্র ছাগলটাকে ঘবাই করে গোস্ত বিক্রি করাটাই তার মূল উদ্দেশ্য।

ইবলিসের প্রতিনিধি এসব প্রগতিশীল, সমাজ সংস্কারক, সুশীলরা অবিবাহিত তরুণ যুবকদের যৌন আকাঙ্ক্ষাকে নিয়ন্ত্রণে রাখার জন্য গণিকালয় খোলার পরামর্শ দেয়। এমনকি যৌন অনাচার রোধে গণিকালয়কে সমাজের সেকটি ভাঙ্গ (Safety Valve) বলে আখ্যায়িত করে একে বৈধতা দেয়ার অপপ্রয়াস চালায়। আচ্ছা তাদের কথা মেনে নিয়ে যদি তরুণ যুবকদেরকে গণিকালয়ে যাওয়া বৈধ করে দেয়া হয়, তবে হয়তো অনেকেই বিয়ের প্রয়োজন ফুরিয়ে যাবে; এক্ষেত্রে ঘরের বিবাহযোগ্য মেয়েদের বেলায় আমরা কী করবো? নাকি তাদের জন্যও এমন কিছু মহল নির্মাণ করতে বলা হবে, যেখানে জিগোলোরা (Gigolo-পুরুষ বেশ্যা) অবস্থান করবে?

ভাই আমার! বর্তমানে কলেজ, ভার্শিটিতে ছেলোদের আবাসিক হলের অনেক রুমেই পিসি বা ল্যাপটপে পর্ন দেখার আড্ডা বসে। ক্যান্পাসে কাপলরা ম্যাবিকলের মতো জড়া জড়িতে লিপ্ত থাকে। ছুটির পর স্কুল পড়ারী গ্রুপ স্টাডির নামে বন্ধু-বান্ধবদের ফাঁকা বাসায় নোংরামিতে মেতে উঠে। এদের মাঝে এমন ছেলে যেমন আছে, যারা টিউশনি করে পড়ার খরচ চাঙ্গিয়ে গ্রামের বাড়িতেও কিছু টাকা পাঠাচ্ছে; আবার এমনও ছেলে আছে, যারা বাবার কন্টার্জিত টাকায় ভেটিং করে বেড়াচ্ছে। তোমরা জানো এসব 'হারাম', কিন্তু ছাড়তে পারছো না। তোমরা অশ্লীল হারাম পথ থেকে ফিরে আসার জন্য পরিবার কিংবা শিক্ষা প্রতিষ্ঠান কোথাও পর্যাপ্ত কাউন্সিলিং পাচ্ছে না। ফলে ইবলিসের প্রতিনিধিরা সহজেই তোমাদের মন-মগজকে কন্ডা করে নিচ্ছে। আর

তোমরা পরিণত হচ্ছে ভোগ-বিলাসী মেরুদণ্ডহীন আজ্ঞাবহ এক ভবিষ্যৎ প্রজন্ম।

সুতরাং তোমাদের ভাই হয়ে বলছি, তোমরা ঐ প্রথতির ফেরিওয়ালা প্রতারক সমাজ সংস্কারক আর সুশীলদের দেখানো পঙ্কিল পিচ্ছিল পথ থেকে ইসলামের পথে ফিরে আসো। আর নিজেদেরকে প্রস্তুত করো আগামী প্রজন্মের রাহবার হিসেবে।

## নিজের অমূল্য যৌবনকে ধ্বংসের মুখে ঠেলে দিও না

প্রিয় ভাই আমার! আজকের নব্য জাহিলি সমাজের সামাজিক ও পারিবারিক পরিবেশে তরুণ-তরুণীরা সময়ের বহু আগেই যৌবনপ্রাপ্তির বিষয়টি দেখ-মনে অনুভব করে। পথে-ঘাটে, মার্কেটে-শপিং মলে, পার্কে-রেক্টোরায়, স্কুল-কলেজ-ইউনিভার্সিটিতে, ইলেক্ট্রনিক ডিভাইসের স্ক্রিনে বিপরীত লিঙ্গের উম্মুক্ত, অর্ধউম্মুক্ত শারীরিক সৌন্দর্য উপভোগের সহজলভ্যতা তাদেরকে মানসিকভাবে সাবালক করে তোলে। মোবাইল ডিভাইসের সহজলভ্যতার কারণে তরুণরা অশ্লীল ওয়েব সিরিয়াল আর পর্ন মুভি দেখে নারী দেখে মিলনের স্বাদ উপভোগ করার জন্য প্রবলভাবে আসক্তি অনুভব করে। কিছু কোন বৈধ উপায়ে সে আসক্তি মোটামোটা উপায় ও উপকরণ উপযুক্ত সময়ে না পাওয়ায় অধিকাংশ তরুণ-যুবকই নিজের হাতকে কাল্পনিক স্ত্রী বানিয়ে দুধের সাথ হোলে মিটিয়ে থাকে। এ কাজটি যে নৈতিকতা, রুচি ও প্রকৃতির রীতি বিরুদ্ধ অশ্লীল কাজ তা তাদের মনেই থাকে না।

মাস্টারবেশন (হস্তমৈথুন বা হাতের সাহায্যে বীর্ষপাত করা) এক প্রকার নেশা ও গুপ্ত অভ্যাস, যাকে তোমার মতো তরুণ-যুবাবা নিজেদের কামোত্তজনাতে প্রশমন করার জন্য আত্মকনিক বিকল্প হিসেবে বেছে নিয়েছে। এটা এমন এক ভয়ংকর নেশা, যা মাদকাসক্তের মাদকের নেশাকেও হার মানিয়ে দেয়। ঐ ক্ষণিকের সুখ ভোগের নেশার পরিণতিতে তোমাদের জন্য অপেক্ষা করছে শারীরিক ও মানসিক স্বাস্থ্যহানির বিরট ধ্বংসকারিতা।

যৌবন পুরুষের এক অমূল্য সম্পদ। বয়সের সাথে সাথে এর চাহিদা বাড়ে ও কমে। তাই যৌবনের দুরন্ত যোড়াকে যদি উঠতি বয়সেই লাগাম পরানো না যায়, তবে নিশ্চয় সে তোমার জীবনে অকাল-বার্ধক্য ডেকে আনবে। যৌন-স্বাদের

অপূর্ব তৃপ্তির বিষয়টি তোমার কাছে আবিষ্কৃত হওয়ার সাথে সাথেই যদি তার অপব্যবহার করা শুরু করো তবে বৈধ প্রয়োজনের সময় তোমাকে ভীষণ পক্তাতে হবে। মনে রাখবে, রয়ে-সয়ে সবরের সাথে যথাসময়ে খেলে, তবেই কোন খাবারের প্রকৃত স্বাদ পাওয়া যায়।

ভাই আমার! তুমি সবসময় মনে রাখবে, যৌবন কারো জন্যই চিরস্থায়ী নয় বরং তা হলো জোয়ারের পানির মতো, আজ আছে কাল নেই। তাই প্রকৃতির বিরুদ্ধাচরণ করে কৃত্রিম মৈথুনের মাধ্যমে শুক্রক্ষয় করে যৌবন ফুরিয়ে যাওয়ার বহু আগেই তা হারিয়ে ফেলাটা নিঃসন্দেহে নির্বোধদের কাজ। সুতরাং কোন তরুণ-যুবকের উচিত নয় আপন হাতে নিজের অমূল্য যৌবনকে ধ্বংস করা। হয়তো তোমার ঐ অতিরিক্ত যৌন-পাগলামির জন্য একদিন বারবার আক্কেপ করবে। কিন্তু তখনকার আক্কেপ না কোন কাজে দেবে, না যৌবনকে ফিরিয়ে দেবে!

আল্লাহ তাআলার দেয়া এ অমূল্য সুন্দর যৌবনকালটাকে ক্ষয় করার জন্য যে ব্যক্তি তার স্বীয় লিঙ্গের পিছনে লেগে যায় এবং নিজ হাত দিয়ে বীর্যপাত করার মতো গুপ্ত অভ্যাসে অভ্যস্ত হয়ে পড়ে, তার ঐ হাত পরকালে তারই বিরুদ্ধে পাপের সাক্ষ্য দেবে যে, সে এই পাপ জীবনে কতবার করেছে। যার সুস্পষ্ট হুশিয়ারী কালামুল্লাহয় ইরশাদ হয়েছে এভাবে,

الْيَوْمَ نَخْتِمُ عَلَىٰ أَفْوَاهِهِمْ وَتُغْلِقُ أَيْدِيهِمْ وَنَشْهَدُ أَرْجُلَهُمْ بِمَا كَانُوا يَكْسِبُونَ.

আজ (হাশরে হিসাব-নিকাশের দিন) আমি তাদের মুখের উপর মোহর মেরে দেব, এবং তাদের হাত আমার সাথে কথা বলবে, আর তাদের পা সাক্ষ্য দেবে তাদের কৃতকর্মের।<sup>১</sup>

<sup>১</sup> সূরা ইম্বাতিন: ৬৫।

## তোমার সমস্যার কল্যাণকর সমাধান অবশ্যই রয়েছে

হে শ্রিয় ভাই আমার! মহান শরিয়ত প্রণেতা আল্লাহ রব্বুল আলামিন ও তাঁর সম্মানীত রাসূল সাঈদুল্লাহ আল্লাহি ওয়াসাল্লাম তোমার সমস্যার মূলোৎপাটনে বাস্তবিক সমাধান প্রদান করে বলেছেন (ডাবানুবাদ):

ওহে যুবকেরা! তোমাদের মধ্যে যার বিয়ের খরচ বহনের ও শারীরিক সামর্থ্য রয়েছে সে যেন বিয়ে করে ফেলে। বেশনা, তা তাঁর দৃষ্টি নিম্নগামী রাখতে ও দজ্জাস্থানকে হিফায়ত করতে সহায়ক হবে। আর যে বিয়ে করার সামর্থ্য রাখে না, সে যেন সিয়াম পালন করে। কারণ সিয়াম যৌন উত্তেজনা প্রশমনকারী।<sup>১</sup>

তুমি বিষয়টি গভীরভাবে লক্ষ্য করলে দেখবে, মহান শরিয়ত প্রণেতা বিয়ে করতে অক্ষম হলে কষ্ট হওয়া সত্ত্বেও সিয়াম পালনের নির্দেশ ও পরামর্শ দিয়েছেন। স্বমেহন বা হস্তমৈথুন, ঘিনা-ব্যভিচার করার পরামর্শ বা অনুমোদন দেননি। যদিও নিভৃত্তে নির্জনে হস্তমৈথুনের প্রতি তরুণ যুবাদের আর্গ্রহ ও সুযোগ বেশি থাকে। আর হস্তমৈথুন করা বা অবৈধ শারীরিক সম্পর্কের মাধ্যমে যৌন কামনা নিবারণ করা সিয়াম পালন করার চেয়ে সহজ। তদুপরি বান্দাদের যৌনজীবন ও মানসিক স্বাস্থ্যের অপূরণীয় ক্ষতির দিকটি বিবেচনা করে তিনি সে অনুমতি দেননি।

## তোমাকে আত্মনিয়ন্ত্রণ করতে হবে

শ্রিয় ভাই আমার, বর্তমান এই সামাজিক পরিস্থিতিতে তোমার বাঁচার একমাত্র উপায়ই হচ্ছে মহান সৃষ্টিকর্তা আল্লাহ রব্বুল আলামিন ও তাঁর সম্মানীত রাসূল সাঈদুল্লাহ আল্লাহি ওয়াসাল্লামের দেখানো পথে আত্মনিয়ন্ত্রণ ও দৃষ্টির হিফায়ত। আত্মনিয়ন্ত্রণ হচ্ছে আধ্যাত্মিক অথবা দৈহিক প্রচেষ্টার মাধ্যমে তুমি তোমার নিজ সত্তা থেকে বেরিয়ে আসবে। আর আপন সত্তাকে মহান সৃষ্টিকর্তা আল্লাহর আনুগত্য ও ইবাদাতে সপে দিবে। আর দৃষ্টির হিফায়ত হচ্ছে, যৌন কামনা উদ্বে দেয়া বস্ত দেখা থেকে নিজেকে বিরত রাখবে। তবে যদি দৃষ্টি পড়েই যায় সেক্ষেত্রে প্রথম দৃষ্টির পর চোখ সরিয়ে নিবে।

<sup>১</sup> সূত্র: সূরা মুমিনুন : ৫-৬, সূরা নূর : ৩৩ ও সহিহ বুখারি : ৫০৬৬।



তুমিও হবে পৃথিবীর একজন সফল পুরুষ

পাপাচারী ব্যক্তি দুনিয়া ও আখিরাতে কি হারায়, তা তুমি অবশ্যই নিজের চিন্তা-চেতনায় সংরক্ষণ করবে। শুধু এতটুকু চিন্তাই যথেষ্ট যে—পাপাচারী ব্যক্তি হারায় তার ঈমান, যে ঈমানের জাররা পরিমাণও সমগ্র পৃথিবীর চেয়ে অধিক মূল্যবান।

## “যৌবন” মহান আল্লাহর দেয়া এক বড় নিয়ামত

“যৌবন” মহান আল্লাহর দেয়া এক মস্ত বড় নিয়ামত। এই যৌবনের উত্তাল তরঙ্গের সামনে উদ্গাদ হয়ে কেউ কেউ আপন রবের নাফরমানিতে লিপ্ত হয়। আবার কেউ আপন রবকে ভয় করে ভবিষ্যতের (স্ত্রীর) জন্য নিজের যৌবনের হিফায়ত করে, সবার করে। মহান রবর আল্লাহ আমাদের সবাইকে যৌবন নামক অতি মূল্যবান নিয়ামতের শোকর আদায়পূর্বক তার যথাযথ হিফায়ত করার তাওফিক দান করুন।

## দৃষ্টির গুনাহের ব্যাপারে সতর্ক হও

খিয় ভাই আমার, চোখের বা দৃষ্টির গুনাহের ব্যাপারে বিশেষভাবে সতর্ক হও। কেননা মহান আল্লাহ তাআলা বলেছেন,

قُلْ لِلْمُؤْمِنِينَ يَغُضُّوا مِنْ أَبْصَارِهِمْ وَيَحْفَظُوا فُرُوجَهُمْ ذَلِكَ أَزْكَى لَهُمْ  
إِنَّ اللَّهَ خَبِيرٌ بِمَا يَصْنَعُونَ.

মুমিনদেরকে বলুন, তারা যেন তাদের দৃষ্টিকে সংযত করে এবং তাদের লজ্জাস্থানের হিফায়ত করে; এটাই তাদের জন্য অধিক পবিত্র। তারা যা করে নিশ্চয় আল্লাহ সে বিষয়ে সত্যক অবহিত।<sup>১</sup>

রাসূলুল্লাহ সাল্লাল্লাহু আলাইহি ওয়াসাল্লাম বলেছেন,

মহান আল্লাহ অভিশম্পাত দেন দৃষ্টিদানকারী (স্বেচ্ছায় দর্শনকারী) পুরুষ ও দৃষ্টিদানে সুযোগদানকারী (প্রদর্শনকারিণী) নারীর ওপর।<sup>১</sup>

<sup>১</sup> সূরা আন নূর : ৩০।

## দৃষ্টির লাঞ্ছনা খুবই করুণ ও ভয়াবহ!

তুমি নিশ্চয়ই আল্লাহর সম্মানিত নবি ইউসুফ আলাইহিস সালাতু ওয়াস সালামের নাম শুনেছ। আজিলে মিশরের স্ত্রী জুলায়খা যদি ইউসুফ আলাইহিস সালাতু ওয়াস সালাম-এর চেহারা দিকে কামনার দৃষ্টিতে না তাকাতে, তবে সে নিজের জৈবিক কামনার কাছে এভাবে মেনিয়ে পড়তো না এবং গুনাহের প্রতি ইউসুফ আলাইহিস সালাতু ওয়াস সালামকে আহ্বানও করতো না। অপরদিকে ইউসুফ আলাইহিস সালাতু ওয়াস সালাম যদি দৃষ্টির হিফায়ত ও আত্মনিয়ন্ত্রণ না করতেন তবে ফগিফেই মারাত্মক পদস্ফলন ঘটে যেত। এজন্য ফগিফের লাগামহীন আচরণের কারণে পবিত্র কুরআনে জুলায়খার নাম লাঞ্ছনার সাথে আলোচিত হয়েছে আর ইউসুফ আলাইহিস সালাতু ওয়াস সালামের নাম সংযত সম্মানিত পবিত্রতম চরিত্রবান পুরুষ হিসেবে উল্লেখ রয়েছে। কিয়ামত পর্যন্ত নির্লজ্জ কাজের উদাহরণ হিসেবে জুলায়খার ঘটনা প্রচার হতে থাকবে মানুষের মুখে মুখে। সুতরাং শিক্ষা গ্রহণ করা উচিত, কত ভয়াবহ ও কত করুণ হয় কামনার দৃষ্টির লাঞ্ছনা!

## কিয়ামতের দিন যদি অন্ধ হয়ে উঠতে হয়!

প্রিয় ভাই আমার! আমাদের মাঝে অধিকাংশই বিভিন্ন প্রয়োজনে অপ্রয়োজনে টিভি কিংবা মোবাইল ডিভাইসে ছবি ও ভিডিও দেখতে অভ্যস্ত। আর এক্ষেত্রে দৃষ্টির গুনাহের বিষয়টি গুরুত্বহীন মনে করা হয়। মনে রাখবে, ছবি ও ভিডিওতে গায়রে মাহরামকে দেখা সরাসরি দেখার চেয়েও অধিকতর মারাত্মক। চলতি পথের দেখা অতটা নিখুঁত ও নিবিড় হয়না, যতটা ছবি ও ভিডিও দ্বারা হয়। তোমরা মোবাইলে, ট্যাবে, ল্যাপটপে, কম্পিউটারে, টিভিতে, ফ্যাশন ম্যাগাজিনে যে নারীদেরকে দেখে থাকো, সৌন্দর্য ও দৈহিক গঠনে তারা নিখুঁত, পারফেক্ট। এমনকি তুমি চাইলে মিনিটের পর মিনিট, ঘন্টার পর ঘন্টা ধরে এই পারফেক্ট নারীদের ছবিগুলোর দিকে তাকিয়ে থাকতে পারো—বাধা দেয়ারও কেউ নেই। কিন্তু বাস্তব জীবনের কোন মানুষই এরকম পারফেক্ট হয় না। আর তাদেরকে এরকম পিজ্জেল বাই পিজ্জেল জুম করে দেখাও যায় না। তোমাকে বোঝা উচিত, ডিজিটাল মিডিয়া আর বাস্তবতা এক নয়। সুতরাং এসব ফিতনা

<sup>১</sup> বায়হাকি, শুআবুল ইমান : ৭৩৯৯, মিশকাতুল মাসাবিহ : ৩১২৫।

থেকে আরো বেশি সতর্ক থাকটা জরুরি। এমন যেন না হয় যে, দুনিয়াতে আল্লাহর দেয়া দৃষ্টিশক্তি পরনারীর পেছনে ব্যয় করলাম, পরিণামে আল্লাহ আমার দৃষ্টিশক্তি আখেরাতে ফেরত দিলেন না! ওইদিন যদি অজ্ঞ হয়ে উঠতে হয় তাহলে কী অবস্থা হবে?!

## পর্ণ দেখাটা কতটুকু স্বাভাবিক?

মানুষকে নগ্ন করে বিপথে নেয়ার শয়তানের চক্রান্ত শুরু হয়েছিল সৃষ্টির সর্বপ্রথম মানুষ আদম আলাইহিস সালাতু ওয়াস সালাম থেকে। শয়তানের সেই চক্রান্ত আজও শেষ হয়নি, বরং যুগের পর যুগ ধরে বেড়েই চলেছে। বর্তমান যুগে শয়তানের সেই শয়তানি চরম মাত্রা লাভ করেছে ইন্টারনেট পর্ণগ্রাফির কারণে। পর্ণগ্রাফি শয়তানের পাতা এমন এক ভয়ংকর ফাঁদ যা নিঃসন্দেহে মানবতার জন্য ছমকি।

পর্ণ, পর্ণগ্রাফি, নীলছবি। একটা অসুখ। কঠিন দুরারোগ্য অসুখ। তুমি একটু অনুসন্ধিৎসু দৃষ্টি নিয়ে সন্ম গোর্ফের রেখা গজালো কিশোরের মুখের দিকে তাকাও, উদ্দাম কলেজগভূয়া স্বপ্নবাজ তরুণ, ভার্সিটির দৃষ্টি অবনত করে চলা প্র্যাক্টিসিং ছাত্র, কাঁধের দু'পাশে দুই বেগিওয়াল কিশোরীর চেহারার দিকে তাকাও, বাস-ট্রাক-লেগুনা, অটোরিক্সার ড্রাইভার হেলপার, রিক্সা-ভ্যান চালকদের চেহারার দিকে তাকাও, রাস্তায়, মাঠে-ময়দানে, ক্ষেতে-খামারে খেটে খাওয়া কর্মজীবীর ঘর্মাক্ত মুখের দিকে তাকাও। অবিশ্বাস্য এক কঠিন সত্য তুমি উপলব্ধি করবে। বিশ্বাস করতে কষ্ট হলেও এটাই সত্যি! এক কঠিন দুরারোগ্য অসুখ পর্ণাসক্তিতে ভুগছে আজকের নতুন প্রজন্মের অধিকাংশ আদমসন্তান।

প্রিয় ভাই আমার! পর্ণ দেখতে দেখতে একসময় তুমি এমন পর্যায়ে পৌঁছে যাবে যখন তোমার কাছে পর্ণ দেখাটা স্বাভাবিক কাজ হয়ে যাবে। কতটা ভয়ংকর পরিস্থিতিতে তুমি পড়বে একবার ভেবে দেখো তো! তুমি চরম মানসিক ও শারীরিক পরিবর্তনের মুখোমুখী হবে। এভাবেই জেনে না জেনেই পর্ণগ্রাফির ভয়ংকর ছোবলের শিকার হচ্ছে তোমার মতো লাখো তরুণ-যুবক।

পর্ণ দেখার শুরুটা অনেকটা সাইকেল নিয়ে পাহাড়ের ঢাল বেয়ে নামার মত। শুরুতে তুমি এটা উপভোগ করবে, রোমাঞ্চকর এ্যাডভেঞ্চারের স্বাদও পাবে।

কিছু একসময় সাইকেলটা যখন দ্রুত বেগে নীচের দিকে চলতে থাকবে, তখন একে থামানোটা তোমার জন্য ভীষণ কষ্টকর হবে। দুইটানা ঘটাও অসম্ভব নয়। পূর্ণ দেখার আসক্তিও তেমনি একটা বিষয়। শুরুতে এটা যত উপভোগ্যই মনে হোক, পরে এর কারণেই তোমাকে ডুবতে হবে।

## যদি এমন হয়...

প্রিয় ভাই আমার! যদি এমন হয়,

- ◆ মোবাইলের মেমোরিতে লেটেস্ট পূর্ণ ছবি ও ভিডিও আপলোড করে পকেটে নিয়ে ঘুরে বেড়াচ্ছ। বন্ধু-বান্ধবদের মোবাইল ভিভাইসেও শেয়ার করছো। নির্জন স্থান পেলেই সুযোগের সদ্ব্যবহার করছো। হঠাৎ একদিন নির্জনে বাসে বন্ধুদের সাথে পূর্ণ দেখার সময় মৃত্যুর ফেরেশতা হাজির হয়ে রুহ নিয়ে চলে গেল। তুমি পড়ে রইলে নিশ্চল... ঐ দিকে তোমার শেয়ার করা পূর্ণগ্রাফি তখনো চলমান ভিভাইস থেকে ভিভাইসে...
- ◆ ক্রমের দরজাটা বন্ধ করে দিয়ে পূর্ণ ভিডিও ডাউনলোড করলে। কামনার আগুন স্বলাছে দুচোখে! যেইনা ভিডিও প্লে করলে, বন্ধ ক্রমে প্রবেশ করলো মৃত্যু। কামাসক্ত ভক্তকে যাওয়া চোখে অপলক দৃষ্টি মেলে পড়ে রইলে নিথর দেহে। ঐদিকে ক্রীণে চলছে পূর্ণভিডিও...
- ◆ ইমো, ম্যাসেজার, হোয়াটস এ্যাপ, ভাইবারে ভিডিও কলে গার্ল ফ্রেন্ডের সাথে ন্যূত চ্যাটিং এ ব্যস্ত তুমি। ফুটন্ত গোলাপের মত নারীদেহের বিভিন্ন স্থান খুটিয়ে খুটিয়ে দেখে পরিচিত হচ্ছে। হঠাৎই মৃত্যুর ফেরেশতা পরোয়ানা নিয়ে হাজির! তুমি পড়ে রইলে উলঙ্গ শরীরে...
- ◆ নানা ধরনের মিথ্যা প্রলোভন ও ছল-চাতুরির আশ্রয় নিয়ে অবশেষে একদিন পটিয়ে ফেললে গার্লফ্রেন্ডকে। ম্যানেজ হয়ে গেলো নির্জন কোন হোটেল কক্ষ কিংবা বন্ধুর স্ল্যাট। গার্লফ্রেন্ডের কৌমার্য হননের উদ্ভেজনায়ে দিশেহারা তুমি, যেইনা চূড়ান্ত আনন্দের মুহূর্তে উপনীত ঠিক তখনই হাজির মৃত্যুর ফেরেশতা। সাদ হালো খেলা, পড়ে রইলে তুমি, নয়... অসহায়...